

東華續錄

光緒一百七十四

臣朱壽朋敬編

臣章士璣恭校

六月癸巳岑春煊奏晉省太原等府州所屬亢旱日久災象已成得 旨覽奏殊深厪念著即查明分別

蠲緩並購運糧食妥爲賑撫以恤民艱○甲午 上諭 大高殿祈雨○追予直隸殉難靈壽縣訓導李

樾祭葬世職○乙未諭李興銳奏參署江西南贛鎮本任廣東瓊州鎮總兵申道發所部營勇全不足額

每遇出防到處騷擾自到署任以來益復放縱任性不受調度等語現當整頓軍制之時似此劣跡多端

舉動驕恣僅予開缺不足蔽辜申道發著卽行革職以肅軍律○命胡惟德充出使俄國欽差大臣○丁

振鐸奏廣西省此次奉派新約賠款每年三十萬兩加以補平補色匯費各項共需銀三十四萬餘兩數

鉅期迫事關大局自當勉爲其難經 臣督飭司局疊次籌商去後茲據藩司張曾敷詳稱籌款之法如開

礦種植製造土貨皆可以裕本源而塞漏卮然俱遠大之圖不能濟眉睫之急房捐畝捐等事富庶之地

當可舉行若施之民貧盜熾之廣西誠恐力有不逮至前准部咨飭照山東辦法酌提地丁錢折廣西省

向用花銀補色輸納間有徵錢之處盈餘亦屬無多僅敷州縣辦公似難議提近年司局墊付邊餉常年

經費不敷甚鉅加以盜賊充斥商民皆困籌款之事實較各省爲尤難現在左支右絀之時酌爲積少成多之計其新增之款倡導而徵輸者二其舊有之款整頓而擴充者四實不得已而爲之者一所議七條詳請具奏前來再三核度意見相同謹爲我 皇太后 皇上縷晰陳之一官捐也西省缺分腴少瘠多卽最優之缺亦僅視他省中缺然此次籌款不免取之商民自應官爲倡率現由 臣 每年捐銀三千兩藩司衙門向有平餘爲署中辦公經費僅數歸公每年三千餘兩臬司衙門每年報効銀六百兩桂平梧鹽法關道每年報効銀三千兩太平思順道每年報効銀一千兩其餘府廳州縣缺分稍優者均酌定每年報効數目自一千六百兩至二百兩合計每年共報効銀三萬二千餘兩一糖酒油領帖也菸酒糖茶奉文加稅西省菸茶無幾酒則頗有行銷故燒鍋所在多有糖油榨房各處亦有之擬令燒鍋榨房均赴藩司領帖繳費始准開設每年各繳銀二十元此新增之款倡導而徵輸者也一潯稅改革也潯州府稅廠向歸潯州府知府徵收近年正額勉敷盈餘短絀而在廠司巡囊橐中飽皆由知府有地方之責不能身親其事利之所在弊卽叢之廣東肇府之黃江廠自奏明派員徵收之後每年倍於舊額是其明驗現將潯州府廠改派委員徵收一切仿照黃江廠章程長收之數歸於賠款提用另摺奏明辦理一整頓稅契也廣西每年稅契銀兩多或不及萬金民間買賣田房何止此數或匿契不稅或大頭小尾或州縣用印

謂之小稅而不黏司尾已成通弊擬定限四箇月以內新契一概納稅舊契酌令補稅刊發三聯契尾以便勾稽每買價銀一兩收正稅連平色部飯解費等項共省平花銀四分五釐從前浮費盡行裁革倘逾限不稅分別議罰州縣如仍前弊混從嚴懲處一押店加餉也軍興以後西省富商甚少故各處開設押店然商本無多不能請領部帖繳納當稅數十年來皆赴藩司領帖酌繳餉項三年換帖一次亦有私開而不繳餉者擬令各押店一概呈請司帖每帖繳銀四百兩帖費銀二十兩仍每年另捐銀二百兩違者查禁一增改釐稅也西省釐金臣抵任後督同整頓力裁糜費嚴定章程節省甚多徵收亦長於往歲而釐稅則例尙有應行酌改者如藍靛蠶絲牛皮糖斤等項出產頗多釐稅無幾現由釐金局查察情形設法挽救至雲土一項前以初次包商定稅稍輕每年繳銀三萬八千兩現在洋藥已奉文加抽則土藥亦應增稅已議定每年加稅二萬二千兩此舊有之款整頓而擴充者也一闖姓各賭承充公司也廣西地接廣東賭風相沿成習廣東闖姓公司承繳鉅餉西省近亦私賣闖姓且有代東省公司攬收者蹤跡詭密難於查禁又查前撫臣黃槐森飭據梧州官紳就賭規中籌餉招募安勇此外各州縣亦多有收規募勇之處既已不能禁絕不如化私爲公除曰餉票各賭仍行嚴禁外仿照廣東章程包商繳餉暫行試辦自本年五月起每年共繳餉銀三十萬兩除劃撥各處募勇餉需外尙餘二十餘萬兩內外此則不得已

而爲之者也以上酌擬各條多方籌措始克有此均經藩司與各局詳報開辦專款存儲隨時撥付
但現在盜賊未靖潯州稅廠及稅契增盤押店燒鍋榨房等項收數能否暢旺實不敢知惟有隨時籌
情形斟酌補救期無流弊再查有奉文停支各世職全俸米俸每年約省銀二萬兩亦請撥充賠款以
不敷下戶部知之○丙申 上諭 奉先殿 壽皇殿行禮○以李福興爲廣東瓊州鎮總兵○監
大臣等有人奏順天府府尹陳璧信任東城副指揮丁惟忠派充練勇工藝等局徒滋糜費其貪污卑
若此尙謂其操守可信並稱該府尹鋪張欺飾縱役招搖請旨飭查各等語著鹿傳霖按照所指各節
切查明據實具奏原摺著鈔給閱看將此諭令知之○丁酉諭軍機大臣等有人奏直隸勒捐激變請
定官弁處分一摺此次廣宗鉅鹿匪徒聚眾滋事幾釀巨患袁世凱身膺重寄用兵勦辦實出於萬不得已
此等情形朝廷亦爲深諒惟現當匪亂既平之後地方被擾被害閭閻困苦異常深宮時爲廑念該督
務當慎選牧令加意撫綏以安民生所屬文武各員如有貪功生事玩視民瘼者卽行嚴加參劾俾昭儆
戒原摺著鈔給閱看將此諭令知之○以長春爲西安將軍○命孫寶琦充出使法國欽差大臣○外務
部奏光緒二十八年三月二十九日准軍機處鈔交直隸總督袁世凱等奏交涉重要亟宜變通外部及
出使人員章程一摺奉 硃批所陳甚是著外務部查照辦理欽此欽遵到部臣等竊維臣部爲外交總

匯方今列強環伺事務紛乘舉凡約章之得失儀文之輕重路礦商稅之利弊教案疆界之是非無一不關交涉實不僅出使一途而使事亦相爲表裏查該督等所奏大致以外務部司員與出使人員互相調用令其出入中外兼資閱歷以期得人分任應付咸宜洵爲整頓部務慎重使才之要義臣等忝膺重寄無補時艱仰荷 聖明指示益當殫竭愚慮切實講求就該督等原奏參酌中外事宜妥籌辦法爲 皇

太后

皇上陳之原奏內稱嗣後外務部司員各缺由出使大臣在參贊隨譯中請調久在外洋者保送

外務部考察充補不敷由沿江沿海各督撫精揀曾經出洋之人或游學或學生一體保送各節臣等查

政務處會議

臣部章程分設四司每司設郎中員外郎主事各二員并各定額外行走六員以後司員由

各部院衙門保送考試每次考取記名以二十員爲度遇有額外缺出按次傳補現在京師大學堂已奏

設仕學館各部院人員研求講習將來照章甄拔必不乏可用之才惟取人之途不妨從廣嗣後參贊隨

譯各員如有久在外洋熟諳交涉之員京官係郎中員外郎主事中書外官係府廳州縣均准由出使大

臣出具切實考語保送臣部考察錄取奏請記名與各部院人員相間傳補未取者仍以原官用其曾經

出洋之人或游學或學生亦准由各督撫保送惟須得有各國高等學堂卒業文憑再由臣部考驗錄取

挨次傳充繕譯著有勞績亦可遞升主事未取者仍發回學習至臣部司員缺額有定若本署人員無疏

通之路則保送人員亦無傳補之期擬請於每屆京察記名人員外照各部院定例將實缺郎中員外郎保送知府主事保送直隸州均分發沿江沿海洋務省分補用以資激勵至臣部甄別司員章程如有不諳交涉者咨回原衙門行走此項考取到署人員如不得力仍應咨回原衙門原省照章一律辦理原奏又稱使館參隨各員缺由外部精選品端學優能通洋文之司員前往充補不敷暫准用翰林部屬府廳州縣通洋文願出洋者呈由外務部考察選派各節臣等查總理衙門章京派充隨使歷經奏准辦理有案政務處會議臣部章程亦稱郎中員外郎主事可備參贊領事隨員之選今請引申其例嗣後使館參隨應先由臣部司員內咨送出使大臣調充但臣部交涉繁重辦事需人勢不能概行選派如有不敷始可於翰林部屬及府廳州縣中量加揀用惟准其自行呈請恐啟干進之弊應由各部院堂官各省督撫出具切實考語保送臣部考察奏請記名遇有參贊隨員等差一體咨送出使大臣調充至臣部司員及使館參隨等向來辦理公牘均以漢文為主故通知時務者有人而熟習洋文者尙少繙譯官職司傳譯又於漢文或非所長欲求兼貫中西此時殊難其選惟有先擇年力富強才具開敏者俾之出入歷練俟將來兼通洋文者漸多再當酌覈調派原奏又稱使館參隨等員宜改實缺久於其任不准出使大臣攜帶調換使臣受代所屬各員照舊供職立限給假休息三載考績卓異遞升出使大臣有缺亦可於參贊

中遴員請 簡各節臣等查向章出洋參贊隨員三年期滿照異常勞績給獎其到差不能勝任者隨時遣撤回華均由出使大臣奏請黜陟誠以使臣遠涉殊方必須與隨使各員指臂相聯畀以舉察之權方獲贊襄之效但恐瞻徇遷就任使不得其人不免轉滋流弊是以臣部屢經釐訂章程限定各使館參隨員額一以節經費之虛糜一以冀用人之得當應請 飭下各出使大臣嗣後隨使人員除由臣部選派外仍准照章調用惟須慎加遴選不得任意攜帶有逾定額其前任得力之員後任亦應接續留用以資熟手毋輕更換在洋年久立限給假休息本有定章仍應照辦定額之與專缺保獎之與考績名目雖異事實則同且使館視行省有別似可勿拘成例以後如有應行改革之處再由臣等察核情形奏明辦理至曾充參贊洊膺斯職者歷來已不乏人如有才識超邁風節卓著之員一經中外臣工保薦應仍由臣部列入使才單內遇有出使大臣缺出請 旨簡派似此量爲變通互相調用均與該督等所奏用意相符臣等惟當督率所屬認真考究以期造就通才不獨備出使專對之需卽臣部交涉事宜亦可藉資策席幾維持補救收效無形於大局實有神益用副 朝廷慎固邦交策勵人才之至意得 旨允行○戊戌諭崇善劉坤一等奏已故將軍戰功卓著請賜昭雪以彰公道一摺已故江甯將軍豐紳前經毓賢奏參撤銷專祠及予謚卹典茲據崇善等奏稱該故將軍砥礪廉隅愛惜士卒任內收支公款均係實用

實銷並無賤削浮冒豐紳生平戰績尙屬著有勤勞著准其建立專祠並加恩予諡以彰勳勳○以吉陞
爲正紅旗蒙古副都統○己亥諭朕欽奉 慈禧端佑康頤昭豫莊誠壽恭欽獻崇熙皇太后懿旨宗人
府奏已革端郡王等爵職請旨承襲一摺載洵著承繼瑞敏郡王奕誌爲嗣並襲爵職載瀾著承繼鍾端
郡王奕詒爲嗣並襲爵職○庚子魏光燾奏准外務部電英使照稱滇緬邊界頗不安靖恐廳員權位不
足治理請設法將騰越廳缺照臨安開廣道移駐蒙自辦法改派大員駐紮該處與界務有益現烈領事
入省商議此事等語查滇緬邊界交涉日繁廳員不足資鎮懾亦屬實情應如何變通辦理期於界務有
益俟烈領事到省酌量與商等因旋據駐騰越領事烈敦來省重申前說當經行飭司局酌量情形核議
詳辦去後茲據雲南布政使林紹年按察使全楙續會同善後局司道詳稱騰越爲英緬入滇第一門戶
地處極邊幅員遼闊與緬界犬牙相錯防務界務均極繁難現復開闢互市交涉尤爲緊要查核情形實
非監司大員難資控馭擬請將原駐大理府之迤西道移駐騰越廳城兼管關務定爲衝繁疲難四項相
兼請 旨簡放要缺所有該道原轄之大理永昌麗江楚雄四府蒙化永北二直隸同知一切水利屯墾
倉庫錢糧交代詞訟緝捕團保各事宜命盜秋審等案件仍責成該道照舊辦理該道兼管關務收放稅
款事亦甚繁應請添設道庫大使一員兼管照磨事定爲邊遠選缺先行由部銓選後遇缺出照例辦理

並請鑄造雲南分巡迤西兵備道兼管關務之關防迤西關道庫大使兼管照磨事印各一顆頒發來滇以昭信守該道移駐邊關兼理商務需費較鉅應請援照臨安開廣道養廉額數年支銀五千九百兩其原支俸銀一百零五兩原設門子兩名快手十二名皂隸十二名轎傘扇夫七名鋪兵二名每歲工食銀六兩計三十五名共支銀二百一十兩均仍照舊支領添設之道庫大使請照開廣庫大使養廉額數年支銀八十兩俸銀照例支給設皂隸二名每年支工食銀六兩共實支銀十二兩此項廉俸役食銀兩卽在藩庫徵收公耗項下照例支放報銷仍照章減成扣平以歸一律應建各衙署由善後局於邊餉項下籌款委員估勘修建據實造報第該道既經移駐應俟奉 旨允准再飭現任道松堦前往騰越駐紮並由司先行委員署理大使俾專責成其部頒關防印信一時未能到滇應飭該道暫用舊印並由司另刊道庫大使木質鈐記發交暫用俟印信頒發至日再行換給其餘一切未盡事宜統俟該道移駐後體察情形悉心斟酌妥議分別詳咨核辦再騰越原設同知經歷司獄各員缺均有管轄地方及分防督捕監獄之責應請仍舊設置以資治理等情詳請奏咨前來臣覆加體察均屬實在情形合無仰懇 天恩俯准將雲南迤西兵備道移駐騰越並管關務添設道庫大使一員並懇 飭下禮部分咨鑄造印信頒發來滇以昭信守得 旨外務部會同吏部覈議具奏○魏光燾奏前准總理衙門咨英使照稱中緬條約

第十三條載明准將駐豐允之領事官改駐或騰越或順寧擇定一處今本國已擇定騰越派委領事官前往駐紮合請貴國卽於該處設立新關徵收洋稅並派辦理交涉事務關道以便會辦一切咨滇查照約章酌量情形奏明辦理旋於光緒二十五年六月英署領事傑彌遜到騰商議開關經前督臣崧蕃會同前撫臣丁振鐸將籌議大概情形專摺具奏並聲明援照思茅關暫以同知爲監督俟商務暢旺或另設關道或以迤西道移駐屆時奏明辦理等因欽奉 硃批該衙門知道欽此並經總理衙門行據總稅務司赫德據派稅務司好博遜來騰正議辦聞署領事傑彌遜因改調回國又值拳匪事起稅司亦返新街關務遂緩開辦上年九月承准外務部電開英使函稱駐騰越領事官現派烈敦署理並准咨開據總稅務司申稱現改派孟家美補騰越稅務司之缺等因咨滇當經轉行遵辦並札委騰越同知葉如桐暫行兼管關務與領事稅司籌議開關事宜並由司庫借支銀九千兩以作開關經費復添派委員前往相助茲據雲南布政使林紹年會同督後局司道詳據騰越同知兼管關務葉如桐稟稱署領事烈敦稅務司孟家美隨帶扈手人等於上年十月初三日到滇維時和議甫成人情猶多疑阻謠紛紜深恐滋事迭經督率各員紳再三開導彈壓並會同領事稅司親往各路勘查斟酌設關設卡分修太平江南岸道路以期振興商務數月以來粗具規模民情亦漸安堵當會訂試辦關務章程十五條擬在騰越南城外

設立正關東門外設立分卡並於蠻允設立分關蚌西設立分卡二台坡設立查卡又於太平江南岸弄璋街設立分關蠻纔設立分卡擇於本年四月初一日開關試辦所有借支經費撥節動用將來仍由洋稅項下籌還歸欸等情詳請具奏前來臣覆查騰越爲由緬入滇門戶道途紛歧商路以太平江南北兩岸爲適中要路惟山徑崎嶇商旅裹足現經該廳與緬政府商議分界修理係爲整興商務起見所擬試辦章程核與各海關通章大致相同且甫經開辦一切尙無把握自應隨時斟酌損益總期商務漸興關稅暢旺藉以維持利權而裕餉需再該廳地方與緬界犬牙相錯沿邊野夷不時出沒交涉事件日益繁重誠恐同知權勢不足鎮懾似應移駐道員以資控馭已飭司局酌量情形另案詳辦合併聲明下部知之○辛丑外務部奏自上年和約定後諸國兵隊除駐守暢道各處外均按期由直隸省撤退交還地面惟天津所設之都統衙門係由德英俄法日本義大利六國派員管理久未裁撤臣等於本年正月間照會六國駐京使臣以交還治理天津事務載在公約第十一款該處爲近畿要地尙未歸還於中國治理之權諸多未便應由諸國會商撤退兵隊交還地方等因去後旋據各使臣等照覆應與各國武弁並同議和約條款之諸國公使共商以致往返數月尙無定議臣等復切實照催茲據駐京各使臣等照稱現奉本國國家應允將都統衙門裁撤惟中國國家先應特爲聲明允照所擬各節辦理自應允各節之覆

文到日起計算四箇禮拜內將天津都統衙門裁撤應請指明屆時都統衙門應將天津城並天津一帶地方各事交與何項官員接收等因前來臣等就照會內所開各節詳加查核如拆毀礮臺及京師至海通道酌定數處留兵照舊駐劄均係按照公約第八款第九款辦理中國駐兵須距天津二十里係免彼此相遇滋事其所稱由京至海通道各軍隊管帶所得彈壓治罪之權延至鐵路兩旁六里係指有犯鐵路或電綫或聯軍人及物產而言查此節曾於光緒二十七年六月經領銜日國使臣葛絡幹照會全權大臣有案尙非漫無限制其餘賬目案件賦稅等事各分界限可無輾轉天津爲畿輔要區直督治所惟期早日交還妥籌善後此事經臣等與各該使臣屢次磋商據稱已將格外要求情事一概刪除無可再減此次照會各節核與中國治理地方之權尙無窒礙既據聲稱自覆照會允行之日起於四禮拜內將天津都統衙門裁撤交還地方相應照錄原送照會恭呈 御覽如蒙 俞允臣等卽照覆各該使臣如期交還並請 飭下北洋大臣將接收事宜妥爲辦理以昭慎重得 旨如所議行○壬寅錫良奏豫省河北教案以武安縣案情爲最重前經調任撫臣于蔭霖於上年派員與主教司德望議結奏明在案惟原議拏辦當時滋事人犯僅開人數未盡指定姓名逃者弋獲無期獲者待質多斃曠日持久更復百弊叢生痞棍遂依託教民藉端訛索良懦或忍忿服罪或出資求和強悍或抗拒不遵或懷仇欲報民心驚

擾謠說紛紜幾有不可終日之勢時值豫南泌案甫有端倪直隸廣宗正在多事武安孤懸直境風聲所播人情洶洶羣思一逞設使辦理遲緩稍失機宜則一波未平一波又起禍患何堪設想奴才當卽派委候補知府許葆連馳往河北稟商彰衛懷道馮光元會督彰德府知府善承武安縣知縣劉瑞霖與湖北總主教司德望等反覆商辦趕緊議結以爲曲突徙薪之計茲據該員等稟稱已與主教妥議將已獲之犯分別發配保釋未獲之犯分限暫禁回里其餘一概免交訂立合同簽字畫押稟請立案從此一律完結永斷萬藤民教盡釋嫌疑自可相安無事該員等辦事妥速消患無形不無微勞除該管道府勿庸議敘外合無仰懇 天恩俯准將候補知府許葆連武安縣知縣劉瑞霖交部從優議敘出自 逾格鴻慈至議定流徒各犯事關交涉自宜從權速結已飭該縣分別稟請給咨定地發配無庸解勘免生枝蔓得旨如所請行○錫良奏泌陽縣教案前經奴才會督鎮道等拿獲要犯訊明懲辦暨兩次剿捕刀匪情形均經奏明在案並懷遵 諭旨飭將教案趕緊了結迭飭候補道陳履成會同南汝光道朱壽鏞督飭印委與該主教安西滿妥商去後茲據該道等將泌陽各處教案一律議結書約畫押先後稟覆前來查泌陽匪徒張澤卿等因抗攤賠款勾結刀匪滋事教堂教民一時同遭蹂躪其房屋器物大半拆毀損失至被難教民雖經奴才妥飭撫恤而扶老攜幼逃避新舊教堂者亦復不少該主教安西滿供給食用自

屬不貲商辦賠修教堂及教民房屋以暨添補一切器物各項費用再三辯駁始以共需銀二萬六千兩
議定唐桐泌三縣素稱刀匪出沒之區案若久懸尤恐羣疑莫釋枝節橫生既經該道等議明完結自應
照准當飭藩司設法騰挪依限清交所需款項伏乞 聖恩俯念豫庫支絀准其作正開銷仍一面督飭
地方文武及防練各營購綫緝拿首要各犯務獲究辦並妥撫善民保護教堂教民務使相安以期上紓
宸廑所有此次議結出力各員除朱壽鏞係本任南汝光道毋庸議敘外查候補道陳履成南陽縣知
縣潘守廉新野縣知縣錢繩祖顧全大局勞瘁不辭不無微勞足錄惟該道陳履成前已保有二品頂戴
並蒙 恩交軍機處存記應如何獎敘之處 奴才未敢擅擬伏候 聖裁其南陽縣知縣潘守廉新野縣
知縣錢繩祖擬請 飭部從優議敘以昭獎勸得 旨陳履成等均著交部從優議敘單併發○貽穀等
奏 奴才貽穀前以西二監聖務暫難就議趁便先赴察哈爾籌辦右翼四旗聖務各情奏奉 硃諭著卽
將清聖事宜認真經理爲蒙旗開闢利源欽此 奴才貽穀於五月十三日馳抵張家口遵卽與 奴才奎順
悉心籌議查該四旗蒙地毗連豐鎮寧遠兩廳自光緒八年經前任山西撫臣勘辦押荒升科於十一年
奏結後二十五年復行續辦迄今又三四年現據豐寧押荒局呈報丈清報墾地畝僅三千餘頃幾疑在
事各員承辦不力所致及周歷地界參以聞見考之卷宗始知向來辦理爲難情形大抵由於窒礙之多

端與事極之不一今欲擴充辦法極應相時度勢量爲變通敬爲我 皇太后 皇上縷晰陳之一曰清
舊墾近年蒙古失計不在牧而在租或抵價而指段於人或圖利而私放肥己或一地而數主此租彼逐
或一地而數租忽爲予奪而奸商知其可以利餌也遂得乘間插入肆行其侵漁之計往往承領之地未
經與該旗議定卽行立契出賣而田戶愛地如金便爾出價承買以致有得契並未得地者有契內數多
而得地反少者又有契係此地而混予彼地者抑且有牛羊各羣之牽混王公牧廠之交錯教民教產之
動成訟案無窮輟轉勢如亂絲此次若不速行清理日復一日枝節尤多擬卽改委委員會同該管總參
佐等官同赴地所核實勘辦其要尤在查其約證之虛實出價之多寡與耕種之後先公同理斷倘有抗
阻不服仍前爭執者卽嚴懲以儆效尤此籌辦變通舊墾之辦法也一曰招新墾查從前各地商向係私
賄蒙旗約領地段往往招佃墾熟多年不報矣而官局尙須移會廳官據以咨旗訂期會勘而蒙旗又任
意就延苟慾墾之未盈卽指交之無日且旗廳局員中一有不到事卽中格曠日持久難竟其功職是之
由今擬力祛前弊仿照上屆辦理王公馬廠章程將地歸官勘辦一面札飭各該旗總管等報明共有若
干分繪詳圖註明縱橫里數及已墾未墾大致數目一面派員查勘酌留隨缺地及公共牧廠外餘均一
律交出開放該旗不得過問並揀調各旗參佐一二員常川來局當差俾可隨時差遣庶操縱在我不致

諸多牽制此籌議變通新墾之辦法也一曰恤蒙艱蒙旗之窮日甚俸餉有限牧產無多近將各地私行租放久已視為利藪一旦舉以歸公若不預為之計有坐困窘鄉而已查晉省墾地舊章以三百六十畝為一畝每畝交押荒銀二錢其升科正項無論王公馬廠及官荒空閒地每畝均徵銀一分四釐過閑每兩加銀三分每正銀一兩隨徵耗銀五分王公馬廠每畝隨徵私租銀四釐由該地主向官領取至官荒空閒地每畝亦加徵歸公私租銀四釐以充口外七廳捕盜營弁兵經費如遇災年核實勘定分數將官私各租一律豁緩此向來辦法今應仍因其舊惟查此次既將各旗地由官辦理是該旗地去而無所得難免不生缺望以後新放地畝擬於每畝押荒二錢外加收辦公銀一錢以六分作官局經費四分作該旗協同辦理公費以示體恤如慮領戶以加辦公銀或不樂輸不知戶部原定押荒章程本分三則上則每畝交銀三錢中則二錢五分下則二錢以右翼地畝不難照上則押荒辦理而從前照收每畝二錢者以地係民戶私行承領已出重資不便再行多取若此後由官放墾一切私費概予捐除惟每畝加收辦公銀一兩核之從前私相授受所省已多必不因此一辦公費之故裹足不前是毋庸過慮者至各旗常年養贍則又擬請 恩准酌予官弁兵丁隨缺地畝及公共牧廠種田牧放均可自由豈尙不足資生特不准將劃留之地再行私售如仍前習從重治罪此籌擬無礙正供有濟蒙困之變通辦法也一曰定限